

Aus dem Archiv der Familie Th.v.Stockalper
in Brig / Schweiz

Als Inhaber nennt sich ein Anfang des 16. Jhdts.
 Anthonius Owling (wohl Kastlan)

Beseignung

In dem namen got des Vatters, got des suns und des helgen geists Und der helgen drifaltikeit. Jhesus Nazarenus rex Judeorum. Jhesus von Nazareth der Juden Kunig. Diss sint die siben wort die unser her am crutz sprach und wer die wort by im treit. Und altag ansicht in der liebi gots. der erwurbt dadurch liebi von den luten. Und schirm vor sinen fyenden. Er wird des tags nit under gan Noch in für noch in wasser noch in krieg gechlich Noch an das heilig sacrament sterben Und welch frow si also by ir hat dera misslingt nit an ir frucht in der purt + Das erst wort das got sprach. Vatter vergib denen die mir den tod anthund Wah sy wissen nit Wass sy thund + Das ander wort. frow nim war din sun Johannes Johannes nim war din muter + das drit wort sprach got zu dem schacher: hüt wurst du by mir sin im paradiss + das fierd wort das got sprach mich durst + Das funfft wort es ist als volbracht + Das sechst wort das got sprach min got min got warumb hastu mich verlassen + Das sibend wort. Vatter in din hand bevil. ich min geist. Also empfil ich Anthonius O Owling mich in dinhand wan du hast mich erlöst O gott der warheit bekör mir alles min ellend allen min presten und ungemach. Caspar. Melchior. Balthasar. Ich empfil mich hüt in den pfad. Da die helgen dry Kinig intraten da sy vnserm herren das opfer brachten. mirren wieroch und golt Durch ir fürbitt sy mir maria und ir liebs Kind holt und hab yeman uff mich anthony owling ytz zu sprechen zu minem lib gut oder eren vor dem will mich das lebend fron krutz bewaren. Der trag in sinem hertzen enis totten mannes schmertzen der tra in sinem mund eines totten mannes zung. In aller wiss als ob er for dryssig jaren mit houwen und mit schuufflen vergraben wer. Des helf mir der man der den todt a